

Adolf Stähli **We dSchwäbeli**  
**i Süde zie**

**fis, fis (H-Dur)** (2 st. Jodel)

**We dSchwäbeli** i Süde zie,  
de düecht es mi halt öppe-die i  
möcht o grad zwe Flügel ha u  
mit ne furt a d'Wärmi gah! I  
möchte o grad zwe Flügel ha u  
mit ne furt a d'Wärmi gah!

**Oh, Schwäbli** nimm mi uf di  
Rügg und bring mi de im  
Frühlig zrügg. I finde drum im  
Läbe nie es schönere Plätzli  
als grad hie! I finde drum im  
Läbe nie es schönere Plätzli  
als grad hie!

**U d'Winterzyt**, wo sträng isch  
gsy, di geit zum Glück o mal  
ver-by. Jetz bin i froh bin i no  
da won i uf Heimat-ärde stah!  
Jetz bin i froh bin i no da won i  
uf Heimat-ärde stah!